

Practicist d'indrizz da ventilaziun AFP

Practicista d'indrizz da ventilaziun AFP

Gebäudetechnik

Durada

2 onns

Terminaziun

Eidgenössisches Berufsattest
EBA

Indicaziuns davart il salari

1. onn d'emprendissadi: CHF
700.-
2. onn d'emprendissadi: CHF
900.-

Sco practicista u practicist da ventilaziuns gidas ti ad installar ed a demontar indrizzs da ventilaziun per edifizis privats u publics. Ti preparas tias lavurs e construeschas en il lavuratori tocs che ti pos montar sin il plazzal.

Incumbensas

Preparar lavurs

- prender encunter e chapir las incumbensas
- guardar, ch'il material, las maschinas ed ils utensils sajan pronts, p.ex. colliar las maschinas en moda segira cun l'electricidad
- controllar las parts furnidas, p.ex. guardar, sche la furniziun è cumpletta e che nagut na saja rut
- far skizzas da conducts da ventilaziun

Fabritgar elements da construcziun

- gidar a fabritgar elements da construcziun sco tocs furmads, conducts da ventilaziun u surdinas
- calcular, tge furma e tge grondezza che las parts da tola ston avair
- tagliar las parts da tola e las storscher en la dretga furma, manevrar las maschinas d'urdains che vegnan regladas per computer, uschenumnadas maschinas CNC u NC
- controllar e cumponer tocs furmads e conducts da ventilaziun
- gidar a fabritgar roms per surdinas e material d'isolaziun, p.ex. tagliar launa minerala
- sortir e dismetter correctamain differents ruments, observar las prescripziuns da l'ambient

Installar e demontar ventilaziuns

- guardar – ensemen cun la persuna superiura – sin il plan, nua ch'ils elements da construcziun ston vegnir montads
- gidar a montar ils elements da construcziun ed ad installar systems da ventilaziun

- isolar perforaziuns da parais e da palantschieus sura, quai vul dir plazzar material d'isolaziun en las chavas per ils conducts
- gidar ad installar currents d'aria, quai èn averturas, tras las qualas aria vegn suflada en il local
- demontar en il team ventilaziuns veglias

Ambient da lavur

Sco practicista u practicist da ventilaziuns lavuras ti en teams cun constructuras e constructurs da ventilaziuns che ta dattan incumbensas. Tias incumbensas exequeschas ti en il lavuratori u sin il plazzal. En quest connex poi per part esser dad aut. Ti portas ina chapellina, guants, chalzers da segirezza, protecziun d'udida ed egliers da protecziun. Tes temps da lavur èn regulars, ma mintgatant stos ti lavurar pli ditg, per observar ils termins.

Ti lavuras en manaschis pitschens u mesauns per installaziuns da ventilaziuns, per tecnica da ventilaziun e da clima u en manaschis da stgaurament, da ventilaziun e sanitar. Per regla n'èsi betg difficil da chattar ina piazza d'emprendissadi. Suenter l'emprendissadi has ti differentas pussaivladads per ta perfecziunar, p.ex. en il sector da l'effizienz energetica che daventa adina pli impurtanta en la bransch da construcziun.

Pretensiuns e interess

Pretensiuns

- Inschign manual
- Chapientscha tecnica
- Imaginaziun tridimensiunala
- Resistenza corporala
- Gronda toleranza da canera
- Moda da lavurar sistematica
- Prontezza d'esser savens sin viadi
- Abilitad da lavurar en in team

Interess

- Elavurar metal
- Lavurar cun ils mauns
- Esser corporalmain activ

Scolaziun

Manaschis

Furmaziun pratica en in manaschi per installaziuns da ventilaziuns: 4 dis per emna

Scola

1 di per emna en las scolas professiunalas spezialisadas chantunalas

Curs odaifer il manaschi

En plirs chantuns: 21 dis durant 2 onns

Durada

2 onns

Cundiziuns d'admissiun

Terminà la scola obligatorica

Titel da finiziun

Practicist / Practicista d'indrizz da ventilaziun AFP

Furmaziun cuntinuonta

Curs

Curs da l'associaziun **suissetec** ↗

<https://suissetec.ch/de/kurse.html>

Emprendissadi supplementar

Practicistas e practicists da ventilaziuns AFP pon per regla far in emprendissadi supplementar scursanì sco constructura u constructur da ventilaziuns AFQ.

Suenter pon vegnir absolvidas las medemas furmaziuns supplementaras sco per constructura u constructur da ventilaziuns AFQ.

Professiuns sumegliantas

Ulteriuras infurmaziuns

Swissdoc Nummer

TODO

Associazion svizra e dal Liechtenstein da tecnica da constucziun (suissetec)

<https://www.suissetec.ch>

Suisstec: Bildung

<https://bildung.suissetec.ch/>

Suissetec: Lehrstellen

<https://tolehrstellen.ch/>

TODO

<https://www.becc.admin.ch/becc/public/bvz/beruf/show/47607?lang=de>